



حضرت سلطان باہو رحمۃ اللہ علیہ کا خوبصورت کلام

چنبے دی بوٹی

رحمۃ اللہ علیہ

کلام باہو

طالب سائنس مکتبہ کراچی

علامہ شمس الدین چشتی

ناشر
اکبریا پبلشرز
اردو بازار
لاہور

الصلوة والسلام عليك يا رسول الله
(جملہ حقوق محفوظ ہیں)

نام کتاب کلام حضرت سلطان باہو رحمۃ اللہ علیہ
ترتیب محمد اکبر قادری
معاونین محمد قاسم عطاری، محمد سلیم قادری
محمد ذیشان قادری
صفحات ۶۴
کمپوزنگ محمد یوسف اردو بازار لاہور
ناشر اکبر بک پبلشرز بیدہ سنٹر ۴۰ اردو بازار لاہور
قیمت 24 روپے

ناشر
اکبر بک پبلشرز

بیدہ سنٹر ۴۰ اردو بازار لاہور Ph: 7352022

بِسْمِ اللّٰهِ الرَّحْمٰنِ الرَّحِیْمِ

الف اللہ چنے دی بوئی میرے من وچہ مرشد لائی ھو
نفی اثبات دا پانی ملسیں ہر رگے ہر جانی ھو
اندر بوئی مشک مچایا جاں پھلاں تے آئی ھو
جیوے مرشد کامل باھو جیس ایہ بوئی لائی ھو

الف اللہ پڑھیوں پڑھ حافظ ہو یوں ناں گیا حجابوں پر دا ھو
پڑھ پڑھ عالم فاضل ہو یوں بھی طالب ہو یوں زردا ھو
سیئے ہزار کتاباں پڑھیاں پر ظالم نفس نہ مردا ھو
باہجھ فقیراں کسے نہ ماریا باھو ایہو چور اندر دا ھو

الف احد جد وتی دکھالی از خود ہو یا فانی ھو
قرب وصال مقام نہ منزل ناں اوتھے جسم نہ جانی ھو
نہ اوتھے عشق محبت کائی نہ اوتھے کون مکانی ھو
عینوں عین تھیو سے باھو سر وحدت سبحانی ھو

الف اللہ صحی کیتو سے جداں چمکیا عشق اگوہاں ھو
راتیں دیہاں دیوے تا تکھیرے نت کرے اگوہاں سوہاں ھو
اندر بھاہیں اندر بالن اندر دیوچہ دہو ہاں ھو
باھو شوہ تداں لدھیو سے جداں عشق کیتو سے سوہاں ھو

الف ایہہ دُنیاں زن حیض پلیتی کتنی مل مل دھوون ھو
دُنیاں کا رن عالم فاضل گوشے بہہ بہہ روون ھو
چیندے گھر وچہ بوہستی دُنیاں اوکھے گھو کر سوون ھو
جہناں ترک دنیا تھیں کیتی باھو واہندی نکل کھلوون ھو

الف اَسْتُ بِرَبِّكُمْ سَنِيَادِلْ مِيرے نت قَالُوا بَلِي كوكيندى ھُو
 حُب وطن دى غالب ھوئى ہك پل سون نہ ديندى ھُو
 قہر پوے تينوں رہزن دنيا توں تاں حق داراہ مريندى ھُو
 عاشقاں مول نہ کيتى باھو تو نہیے کر کر زارياں روندى ھُو

الف ايہو نفس اسا ڈا بيلي جونال اسا ڈے سدھا ھُو
 زاہد عالم آن نوائے جتھے ٹکڑا دیکھے تھدھا ھُو
 جو کوئى اس دى کرے سواری اس نام اللہ دالدها ھُو
 راہ فقر دا مشکل باھو گھرانہ سیرا رڈھا ھُو
 الف ازل ابدنوں صحی کیتو سے دیکھ تماشے گزرے ھُو
 چوداں طبق دلیندے اندر آتش لائے حجرے ھُو
 جہناں حق نہ حاصل کیتا اوہ دوہیں جہانیں اجڑے ھُو
 عاشق غرق ہوئے وچہ وحدت باھو دیکھ تہاندے مجرے ھُو

الف اندر ہوتے باہر ہوايدم ہووے نال جلیندا ھُو
 ہو داداغ محبت والا ہر دم پیا سڑیندا ھُو
 جتھے ھُو کرے رشنائی چھوڑ اندھیرا ویندا ھُو
 میں قربان تہاں توں باھو جیہڑا ہونوں صحی کریندا ھُو

الف ادھی لعنت دیناں تائیں تے ساری دُنیا داراں ھُو
 جیس راہ صاحب دے خرچ نہ کيتی لین غضب دیاں ماراں ھُو
 پیوواں کو لوں پتر کو ہاوے بھٹھہ دُنیاں مکاراں ھُو
 جہناں ترک دُنیاں دى کيتی باھو لین باغ بہاراں ھُو

الف ایہہ دُنیاں رن حیض پلیتی ہرگز پاک نہ تھیوے ھُو
 جیس فکر گھر دُنیاں ہووے لعنت اسدے جیوے ھُو
 حب دنیا دی رب تھیں موڑے ویلے فکر کچھوے ھُو
 سہ طلاق دُنیاں نوں دینے جے باھو سچ پچھوے ھُو

الف ایمان سلامت ہر کوئی منگے عشق سلامت کوئی ھُو
 منکن ایمان شرماون عشقوں دل نوں غیرت ہوئی ھُو
 جس منزل نوں عشق پچاوے ایمان نوں خبر نہ کوئی ھُو
 میرا عشق سلامت رکھیں باھو ایمانوں دیاں دھروئی ھُو

الف ایہہ تن میرا چشماں ہووے تے میں مرشد ویکھ نہ رجاں ھُو
 لوں لوں دے مڈھ لکھ لکھ چشماں ہک کھولاں ہک کجاں ھُو
 اتنیاں ڈٹھیاں صبرناں آوے ہو رکتے ول بھجاں ھُو
 مرشد دا دیدار ہے باھو مینوں لکھ کر وڑاں سجاں ھُو

الف اندر وچہ نمازا ساڈی ہکے جاتینوے ھُو
 نال قیام رکوع سجودے کر تکرار پڑھیوے ھُو
 ایہہ دل ہجر فراقوں سڑیا ایہہ دم مرے نہ جیوے ھُو
 سچا راہ محمد ﷺ والا باھو جیس وچہ رب لبھیوے ھُو

الف اکھیں سرخ موہیں تے زردی ہر دلوں دل آہیں ھُو
 مہا مہاڑ خوشبوئی والا پہونتا ونج کداہیں ھُو
 عشق مشک نہ چھپے رہندے ظاہر تھیں اتھاہیں ھُو
 نہ فقیر تنہاں دا باھو جہناں لامکانی جاہیں ھُو

الف اندر کلمہ کل کل کردا عشق سکھایا کلمات ھو
چوداں طبق کلمے دے اندر قرآن کتاباں علماں ھو
کانے کپ کے قلم بناؤں لکھ نہ سکن قلمات ھو
باھو ایہہ کلمہ مینوں پیر پڑھایا ذرا نہ رہیاں الماں ھو

الف ایہہ تن رب سچے دا مجرا وچہ فقیرا جھاتی ھو
ناں کر منت خواج خضر دی تیرے اندر آب حیاتی ھو
شوق دادیوا بال ہنیرے متاں کھی دست کھڑاتی ھو
مرن تھیں اگے مر رہے باھو جہناں دل رمز پچھاتی ھو

الف ایہہ تن رب سچے دا حجرا دل کھڑا باغ بہاراں ھو
وچے کوزے وچے مصلے وچدے سجدے دیاں تھاراں ھو
وچے کعبہ وچے قبلہ وچے الا اللہ پکاراں ھو
کامل مرشد ملیا باھو اوہ آپے لیسے ساراں ھو

الف اللہ او جھڑ جھل تے مارو بیلا جتھے جالن آئی ھو
جس کدھی نوں ڈھاں ہمیش اوہ ڈھسی کل دھائی ھو
نہیں جہاندی وہے سراندی اوہ سکھ نہیں سوندے راہی ھو
ریت تے پانی جتھے ہون اکٹھے باھو اتھے بنی نہیں بھدی کاہی ھو

الف آپ نہ طالب ہیں کہیں دے لوکاں نوں طالب کردے ھو
چانوں کھپاں کردے سپاں اللہ دے قہرتوں ناہیں ڈردے ھو
عشق مجازی تلکن بازی پیر اولے دھردے ھو
اوہ شرمندے ہوسن باھو اندر روز حشر دے ھو

الف اندر بھی ھو باہر بھی ہو باھو کتھاں بھیوے ھو
 سے ریاضتاں کرکراہاں توڑے خون جگر دا پیوے ھو
 لکھ ہزار کتاباں پڑھ کے دانش مند سد یوے ھو
 نام فقیر تہیدا باھو قبر جہناں دی جیوے ھو

الف اللہ چنے دی بوئی میرے من وچہ مرشد لانا ھو
 جس گت اتے سوہنا راضی ہوندا اوہو گت سکھاندا ھو
 ہر دم یاد رکھے ہر ویلے سوہنا اٹھاندا بہاندا ھو
 آپ سمجھ سمجھیندا باھو آپ آپے بن جہاندا ھو

ب باھو باغ بہاراں کھڑیاں نرگس ناز شرم دا ھو
 دل وچہ کعبہ صحیح کیتو سے پاکوں پاک نرم دا ھو
 طالب طلب طواف تمامی حب حضور حرم دا ھو
 گیا حجاب تھیو سے حاجی باھو جدان نجشویس راہ کرم دا ھو

ب بغداد شہر دی کیا نشانی اچیاں لمیاں چیراں ھو
 تن من میرا پرزے پرزے جیوں درزی دیاں لیراں ھو
 لہنہاں لیراں دی گل کفنی پا کے رساں سنگ فقیراں ھو
 بغداد شہر دے نکلڑے منکساں باھو کرساں میراں میراں ھو

ب بغداد شریف ونج کراہاں سودا نے کتو سے ھو
 رتی عقل دی کراہاں بھار غماندا گھدو سے ھو
 بھار بھریا منزل چوکھیری اوڑک ونج پہتیو سے ھو
 ذات صفات صحیح کتو سے باھوتاں جمال لدھو سے ھو

ب باجھ حضوری نہیں منظوری توڑے پرہن بانگ صلاتاں ھو
روزے نفل نماز گزاراں توڑے جاگن ساریاں راتاں ھو
باجھوں قلب حضور نہ ہووے توڑے کدھن سے زکاتاں ھو
باھو باجھ فناہ رب حاصل ناہیں ناں تاثیر جماتاں ھو

ب بے ادباں ناں سارا ادب دی گئے ادباں تو وانجے ھو
جیہڑے تھاں مٹی دے بھانڈے کدی نہ ہوندے کانبجے ھو
جیہڑے مڈھ قدیم دے کھیڑے ہون کدی نہ ہوندے رانجھے ھو
جیس دل حضور نہ منگیا باھو گئے دوہیں جہانیں دانجے ھو

ب بزرگی نوں گھت وہن لوڑھایے ملیئے رنج مکالا ھو
لا الہ گل گہناں مڑھیا مذہب کی لگدا سالا ھو
الا اللہ گھر میرے آیا جین آن اٹھایا پالا ھو
اساں بھر پیالا خضروں پتیا باھو آب حیاتی والا ھو

ب بسم اللہ اسم اللہ دا ایہہ بھی گہناں بھارا ھو
نال شفاعت سرور عالم چھٹسی عالم سارا ھو
حدوں بیحد درود نبی ﷺ نوں جنیندا ایڈپسارا ھو
میں قربان تنہاں توں باھو جہناں ملیا نبی سوہارا ھو

ب بنھ چلایا طرف زمین دے عرشوں فرش نکایا ھو
گھر تھیں ملیا دیس نکالا اساں لکھیا جھولی پایا ھو
رہ نی دُنیاں ناں کر جھیرا ساڈا اگے دل گھبرایا ھو
اسیں پردیسی ساڈا وطن دوراڈھابا ہو دم دم غم سوایا ھو

ب بے تے پڑھ کے فاضل ہوئے ہک حرف نہ پڑھیا کے ھو
 جیس پڑھیا تیں شوہ نہ لدھا جاں پڑھیا کجھ تے ھو
 چوداں طبق کرن رشنائی انہیاں کجھ نہ دے ھو
 باجھ وصال اللہ دے باھو سبھ کہانیاں قصے ھو

ب بوہتی میں اگوگن ہاری لاج پئی گل اس دے ھو
 پڑھ پڑھ علم کر پہن تکبر شیطان جیے اوتھے مسدے ھو
 لکھاں نوں بھودوزخ والا ہک نت بہشتوں رسدے ھو
 عاشقاں دے گل چھری ہمیشاں باھو اگے محبوباندے کسدے ھو

پ پ پڑھ علم ملوک رجھاون کیا ہو یا اس پڑھیاں ھو
 ہرگز مکھن مول ناں آوے پھٹے دودھ دے کڑھیاں ھو
 آکھ چندورا ہتھ کے آئیو اس انگوری چنیاں ھو
 ہک دل خستہ رکھیں راضی باھو لہیں عبادت ورہیاں ھو

پ پ پڑھ عالم کرن تکبر حافظ کرن دڈیائی ھو
 گلپاں دے وچہ پھرن نمانے دن کتاباں چائی ھو
 جھتے ویکھن چنگا چوکھا اوتھے پڑھن کلام سوائی ھو
 دوہیں جہانیں سوئی مٹھے باؤ جہناں کھادی ویچ کمائی ھو

پ پ پڑھ علم مشائخ سداون کرن عبادت دوہری ھو
 اندر جھگی پئی لیوے تن من خبر ناں موں موری ھو
 مولا والی سدا سکھالی دل توں لاه تکوری ھو
 باھو رب تنہاں نوں حاصل جہناں جگ ناں کیستی چوری ھو

پ پڑھ پڑھ علم ہزار کتاباں عالم ہوئے بھارے ہو
اک حرف عشق دا پڑھن نہ جانن بھلے پھرن بچارے ہو
اک نگاہ جے عشق دیکھے لکھ ہزاراں تارے ہو
لکھ نگاہ جے عالم دیکھے کسے نہ کدی چاہڑے ہو
عقل عشق وچہ منزل بھاری سبیاں کو ہاندے پاڑے ہو
جہناں عشق خرید نہ کیتا باہو اوہ دوہیں جہانیں ماڑے ہو

پ پڑھیا علم تے ودھی مغروری عقل بھی گیا تلوہاں ہو
بھلا راہ ہدایت والا نفع نہ کیتا دوہاں ہو
سردتیاں جے سرہتھ آوے سودا ہار نہ توہاں ہو
وڑیں راز محبت والے باہو کوئی رہبزلے کے سوہاں ہو

پ پاک پلینت نہ ہوندے ہرگز توڑے رہندے وچہ پلینتی ہو
وحدت دے دریا اچھلے ہک دل صحی نہ کیتی ہو
ہک بت خانے واصل ہوئے ہک پڑھ پڑھ رہن مسیتی ہو
فاضل سٹ فضیلت بیٹھے باہو مشق نماز جاں نیتی ہو

پ پیر ملیاں جے پیڑناں جاوے اسنوں پیر کی دھرناں ہو
مرشد ملیاں ارشاد نہ من نوں اوہ مرشد کی کرناں ہو
جس ہادی کولوں ہدایت ناہیں اوہ ہادی کی پھڑناں ہو
جے سردتیاں حق حاصل ہووے باہو اس مولوں کی ڈرناں ہو

پ پاٹا دامن ہو یا پرانا کچرک سیوے درزی ہو
حال دا محرم کوئی نہ ملیا جو ملیا سو غرضی ہو
باہجھ مربی کے نہ لدھی گجھی رمز اندر دی ہو
اوسے راہ دل جائے باہو جس تھیں خلقت ڈردی ہو

پ پنچے محل پنجاں وچہ چانن ڈیواکت دل دھریے ہو
پنچے مہر پنچے پٹواری حاصل کت دل بھریے ہو
پنچے امام تے پنچے قبلے سجدہ کت کریے ہو
باہو جے صاحب سرمنگے ہرگز ڈھل نہ کریے ہو

ت تارک دنیا تہیو سے جداں فقر یلو سے خاصا ہو
راہ فقر داندھ لدھیو سے جداں ہتھ پکڑیو سے کاسا ہو
دریا وحدت دا نوش کینو سے اجاں بھی جی پیاسا ہو
راہ فقررت ہنجوں روون باہو لوکاں بھانے ہاسا ہو

ت تلہ بنھ توکل والا ہو مردانہ ترے ہو
جیں دکھ تھیں سکھ حاصل ہووے اس دکھ تھیں نہ ڈریے ہو
إِنَّ مَعَ الْعُسْرِ يُسْرًا آیاچت اسے دل دھریے ہو
اوہ بے پرواہ درگاہ ہے باہو او تھے رورو حاصل بھریے ہو

ت تن من یار میں شہر بنایا دل وچہ خاص محلہ ہو
آن الف دل دسوں کیتی میری ہوئی خوب تسلہ ہو

سب کچھ مینوں پیا سنیوے جو بولے ماسو اللہ ھو
درد منداں ایہہ رمز پچھاتی باھو بے درداں سر کھلہ ھو
ت توڑے تنگ پرانے ہوون گجھے نہ رہندے تازی ھو
مارنقارہ دل وچہ وڑیا کھیڈ گیا اک بازی ھو
ماردلاں نوں جوں دتوئیں جدوں تکے نین نیازی ھو
انہاں نال کیہ ہو یا باھو جہناں یار نہ رکھیا راضی ھو
ت تسیج داتوں کسبی ہو یوں ماریں دم ولیہاں ھو
من دامکا اک نہ پھریں گل پائیں پنج دیہاں ھو
دین لکیاں گل گھوٹو آدے لین لکیاں جھٹ شیہاں ھو
پتھر چت جہناں دے باھو اوتھے زایا دسناں میناں ھو
ت تدوں فقیر شتابی بندا جد جان عشق وچہ ہارے ھو
عاشق شیشا تے نفس مر بی جاں جاناں توں وارے ھو
خود نفسی چھڈ ہستی جھیرے لاه سروں سب بھارے ھو
باھو باجھ مویاں نہیں حاصل تھیند اتوڑے سے سے سرائگ اتارے ھو
ت توں تاں جاگ ناں جاگ فقیر انت نوں ٹور جگایا ھو
اکھیں میٹیاں ناں دل جاگے جاگے جاں مطلب پایا ھو
ایہہ نکتہ جداں کیتا پختہ تاں ظاہر آکھ سنایا ھو
میں تاں بھل دیندی ساں باھو مینوں مرشد راہ دکھایا ھو

ت تسمی پھری تے دل نہیں پھریا کی لیناں تسمی پھڑ کے ھو
علم پڑھیا تے ادب نہ سکھیا کی لیناں علم نوں پڑھ کے ھو
چلے کئے تے کجھ نہ کھٹیا کی لیناں چلیاں وڑ کے ھو
جاگ بنل ودھ جمدے ناہیں بھانویں باھو لال ہون کڑھ کڑھ کے ھو

ث ثابت صدق تے قدم اگیرے تاہیں رب لہیوے ھو
لوں لوں دے وچہ ذکر اللہ داہر دم پیا پڑھیوے ھو
ظاہر باطن عین عیانی ہو ہو پیا سنیوے ھو
نام فقیر تنہاں دا باھو قبر جہناں دی جیوے ھو

ث ثابت عشق تنہاں نیں لدھا جہناں ترئی چوڑ چاکیتی ھو
ناں اوہ صوفی ناناں اوہ صافی ناناں سجدہ کرن مسیتی ھو
خالص نیل پرانے اتے نہیں چڑھدا رنگ جیھٹی ھو
قاضی آن شرع دل باھو کدیں عشق نماز نہ نیتی ھو

ج جو دل مگے ہووے ناہیں ہون ریہا پریرے ھو
دوست نہ دیوے دل دادارو عشق نہ واگاں پھیرے ھو
اس میدان محبت دے وچہ ملن تا تکھیرے ھو
میں قربان تنہاں توں باھو جہناں رکھیا قدم اگیرے ھو

ج جے توں چاہیں وحدت رب دی تاں مل مرشدیاں منیاں ھو
مرشد لطفوں کرے نظارہ گل تھیون سبھ کلیاں ھو

انہاں گلاں وچوں ہک لالہ ہوسی گل نازک گل پھلیاں ھو
دوہیں جہانیں مٹھے باھو جہناں سنگ کیتا دو ڈلیاں ھو

ج جس الف مطالبہ کیتا ”ب“ دا باب نہ پڑھدا ھو
چھوڑ صفاتی لدھس ذاتی اوہ عامی دور چا کردا ھو
نفس امارہ کتڑا جانے ناز نیاز نہ دھردا ھو
کیا پرواہ تنہاں نوں باھو گھاڑو لدھا گھردا ھو

ج جو پاکی بن پاک ماہی دے سو پاکی جان پلیتی ھو
ہک بت خانے جا واصل ہوئے ہک پڑھ پڑھ رہے مسیتی ھو
عشق دی بازی لئی جہناں سردیندیاں ڈھل نہ کیتی ھو
ہرگز دوست نہ ملیا انہاں حضرت باھو جہناں ترٹی چوڑ نہ کیتی ھو

ج جب تک خودی کریں خود نفسوں تب تک رب نہ پاویں ھو
شرط فناہ نوں جانیں ناہیں تے اسم فقیر رکھاویں ھو
موئے باجھ نہ سوہندی الفی ایویں گل وچہ پاویں ھو!
تدوں نام فقیر ہے سوہندی حضرت باھو جے جیوندیاں مرجاویں ھو

ج جو دم غافل سو دم کافر سانوں مرشد ایہا پڑھایا ھو
سنیاخن گیاں کھل اکھیں اساں چت مولا ول لایا ھو
کیتی جان حوالے رب دے اساں ایسا عشق کمایا ھو
مرن تھیں مر گئے اگے حضرت باھو تاں مطلب نوں پایا ھو

ج جیس دل عشق خرید نہ کیتا سودل بخت نہ بختی ھو
استاد ازل دے پڑھایا ہتھ دس دل تنختی ھو
برسر آیاں دم ناں ماریں جاں سر آوے سختی ھو
پڑھ تو حیدتاں تھیویں واصل باھو سبق پڑھیوے وقتی ھو

ج جیس دل عشق خرید نہ کیتا سودل درد نہ پھٹی ھو
اس دل تھیں سنگ پتھر چنگے جو دل غفلت ائی ھو
جیس دل عشق حضور نہ منگیا سو درگا ہوں سٹی ھو
ملیا دوست نہ انہاں باھو جہناں چوڑ نہ کیتی ترٹی ھو

ج جیس دل عشق خرید نہ کیتا سوئی خسرے مرد زانے ھو
خفسے خسرے ہر کوئی آکھے کون آکھے مردانے ھو
گلیاں دے وچہ پھرن اربیلے جیوں جنگل ڈھور دیوانے ھو!
مرداں تے مرداں دی کل تداں پوی باھو جداں عشق نہسن گانے ھو

ج جیس دینہہ دایں درتینڈے تے سجدہ صحی ونج کیا ھو
اس دینہہ دا سر فدا تھا میں میں دربار نہ لیتا ھو
سردیوں سر آکھن ناہیں اساں شوق پیالا پیتا ھو
میں قربان تنہا توں باھو جہناں عشق سلامت کیتا ھو

ج جو پاکی بن پاک ماہی دے سو پاکی جان پلیتی ھو
ہک بت خانے جا واصل ہوئے ہک خالی رہے مسیتی ھو

عشق دی بازی انہاں لئی جہناں سردتیاں ڈھل نہ کیتی ھو
 ہرگز دوست نہ ملد ابا ھو جہناں ترٹی چوڑ نہ کیتی ھو
 ج جتھے رتی عشق وکاوے او تھے مناں ایمان و دیو سے ھو
 کتب کتاباں ورد وظیفے او ترچا کچھوے ھو
 باجھوں مرشد کجھ نہ حاصل توڑے راتیں جاگ پڑھیوے ھو
 مرئے مرن تھیں اگے باھوتاں رب حاصل تھیوے ھو

ج جنگل دے وچہ شیر مریلا باز یوے وچہ گھر دے ھو
 عشق جیہا صراف ناں کوئی کچھ ناں چھوڑے وچہ زردے ھو
 عاشقاں نیند بھکھ ناں کائی عاشق مول نہ مردے ھو
 عاشق جیندے تداں ڈھو سے باھو جداں صاحب لگے سر ہرے ھو
 ج جہناں عشق حقیقی پایا موہوں نہ کجھ الاون ھو
 ذکر فکر وچہ رہن ہمیشاں دم نوں قید لگاؤن ھو
 نفسی، قلبی، روحی، سری خفی انھی ذکر کہاؤن ھو
 میں قربان تنہاں توں باھو جیہڑے اِس نگاہ جواؤن ھو

ج جیوندیاں مر رہناں ہووے تاں دیس فقیراں ہیئے ھو
 جے کوئی سٹے گوڈر گوڑا وانگ ادڑی سپیئے ھو
 جے کوئی کڈھے گاہلاں مہنے اُس نوں جی جی کہیئے ھو
 گلا الا ہماں بھنڈی خواری یار دے پاروں سپیئے ھو
 قادر دے ہتھ ڈور ساڈی باھو جیوں رکھے تیوں رہیئے ھو

ج جیوندے کے جانن سار مویاں دی سو جانے جو مردا ھو
 قبراں دے وچہ ان ناں پانی اتھے خرچ لوڑیندا گھردا ھو
 اک وچھوڑا ماں پیو بھائیاں دو جا عذاب قبر دا ھو
 واہ نصیب انہاندا باھو جیہڑا وچہ حیاتی مردا ھو

ج جے رب ناتیاں دھوتیاں ملدا تاں ملدا ڈڈواں کچھیاں ھو
 جے رب لمیاں والاں ملدا تاں ملدا ابھیڈاں سسیاں ھو
 جے رب راتیں جاگیاں ملدا تاں ملدا کال کڑچھیاں ھو
 جے رب جتیاں ستیاں ملدا تاں داندیاں نصیاں ھو
 انہاں گلاں رب حاصل ناہیں باھو رب ملدا اولیاں پچھیاں ھو

ج جہناں شوہ الف تھیں پایا پھول قرآن ناں پڑھدے ھو
 اوہ مارن دم محبت والا دور ھو یو نہیں پردے ھو
 دوزخ بہشت غلام تنہا ندے چا کیتو نے بردے ھو
 میں قربان تنہا ندے باھو جیہڑے وحدت دے وچہ ڈردے ھو

ج جے کر دین علم وچہ ہوندا تاں سرینز سے کیوں چڑھدے ھو
 اٹھاراں ہزار جو عالم آہا اوہ اگے حسین دے مردے ھو
 جے کچھ ملاحظہ سروردا کردے تاں خیمے تمبو کیوں سر دے ھو
 جیکر من دے بیعت رسولی تاں پانی کیوں بند کردے ھو
 پر صادق دین تنہاں دے باھو سر قربانی کر دے ھو

ج جد دا مرشد کاساد تڑا تددی بے پرواہی ھو
 کی ہو یا بے راتیں جاگیوں بے مرشد جاگ ناں لائی ھو
 راتیں جاگیں تے کریں عبادت ڈیہ نہہ منڈیا کریں پرانی ھو
 کوڑا تخت دنیا دا باھو تے فقر سچی بادشاہی ھو

ج جاں تائیں خودی کریں خود نفسوں تاں تائیں رب نہ پانویں ھو
 شرط فنانون جانیں ناہیں تے نام فقیر رکھاویں ھو
 موئے باجھ نہ سوہندی الفی اینویں گل وچہ پانویں ھو
 نام فقیر تہ سوہندا باھو جد جیوندیاں مرجاویں ھو

ج جل جلیندیاں جنگل بھوندیاں میری ہکا، گل نہ پکی ھو
 چلے چلے مکے حج گزاریاں میری دلدی ڈور نہ ڈکی ھو
 تیرے روزے پنج نمازاں ایہہ بھی پڑھ پڑھ تھکی ھو
 سبھے مراداں حاصل ہو یاں باھو جاں کامل نظر مہر دی تھکی ھو

ج جاں جاں ذات نہ تھیوے باھو تاں کم ذات سد یوے ھو
 ذاتی نال صفاتی ناہیں تاں تاں حق لبھیوے ھو
 اندر بھی ہو باہر بھی ہو باھو کتھے لبھیوے ھو
 جیندے اندر حب دنیا باھو اوہ مول فقیر نہ تھیوے ھو

ج جس دل اسم اللہ دا چمکے عشق بھی کردا ہلے ھو
 بھار کستوری دے چھپدے ناہیں بھانویں دے رکھے سے پلے ھو!

انگلیں کچھے دیہنہ ناہیں چھپدے دریا نہیں رہندے ٹھلے ہو!

اسیں او سے وچہ اساں وچہ باہو یاراں یار سولے ہو

سچ چڑھ چناں تے کر رشنائی ذکر کریندے تارے ہو

گلیاں وچہ پھرن نماں لعلاندے ونجارے ہو

شالا مسافر کوئی نہ تھیوے لکھ جہناں توں بھارے ہو

تاڑی ماری اڈاؤ ناں باہو اساں آپے اڈن ہارے ہو

سچ چڑھ چناں تے کر رشنائی تارے ذکر کریندے تیرا ہو

تیرے جے چن کئی سے چڑھدے سانوں جہناں باجھ ہنیرا ہو

جتھے چن اساڈا چڑھدا اتھے قدر نہیں کجھ تیرا ہو

جسدے کارن اساں جنم گویا باہو یار ملے اک پھیرا ہو

ح حافظ پڑھ پڑھ کرن تکبر ملاں کرن وڈیائی ہو

ساون مانہہ دے بدلاں وانگوں پھرن کتاباں چائی ہو

جتھے ویکھن چنگا چوکا اتھے پھرن کلام سوائی ہو

دوہیں جہانیں مٹھے باہو جہناں کھادی وچ کمائی ہو

خ خام کیہ جانن سار فقر دی جیہڑے محرم ناہیں دل دے ہو

آب مٹی تھیں پیدا ہوئے خامی بھاندے گل دے ہو

لعل جو اہراں دا قدر کی جانن جو سوداگر بل دے ہو

ایمان سلامت سوئی ویسن باہو جیہڑے بھج فقراں ملدے ہو

دل دریا سمندروں ڈونگھے کون دلاں دیاں جانے ھو
وچہ بیڑے وچہ جھیرے وچہ ونجھ موہانے ھو
چوداں طبق دلے دے اندر جتھے عشق تمبوونج تانے ھو
جو دل دا محرم ہووے باھو سوئی رب پچھانے ھو

د دل دریا سمندروں ڈونگھے غوطہ مار غواصی ھو
جیں دریا ونج نوش نہ کیتا رہسی جان پیاسی ھو
ہر دم نال اللہ دے رکھن ذکر فکر دے آسی ھو
اس مرشد تھیں زن بہتر باھو جو پھند فریب لباسی ھو

د دل دریا خواجہ دیاں لہراں گھسن گھیر ہزاراں ھو
رہن دلیلاں وچہ فکر دے بے حد بے شماراں ھو
ہک پردیسی دو جانیوں لگ گیا ترابے سمجھی دیاں ماراں ھو
ہسن کھیڈن سبھ بھلیا باھو حد عشق چنگھاریاں دھاراں ھو

د دلے وچہ دل جو آکھیں سو دل دور دلیلوں ھو
دل دا دور اگوہاں کیجھے کثرت کنوں قلیلوں ھو
قلب کمال جمالوں جسموں جوہر جاہ جلیلوں ھو
قبلہ قلب منور ہو یا باھو خلوت خاص خلیلوں ھو

د دل کالے کولوں منہ کالا چنگا جے اسنوں جانے ھو
منہ کالا دل اچھا ہووے تاں دل یار پچھانے ھو

ایسہ دل یار دے چکھے ہووے متاں یار دی کدی پچھانے ھو
سے عالم چھوڑ مستیاں ٹھے باھو جد لگے نیں دل نکانے ھو
د دل تے دفتر وحدت والا دائم کریں مطالیا ھو
ساری عمراں پڑھدیاں گزری جہلاں دے وچہ جالیا ھو
اکو اسم دل اللہ دا رکھیں اپنا سبق مطالیا ھو
دوہیں جہاں غلام تنہاندے باھو جییں دل اللہ سمجھالیا ھو
د درد اندر دا اندر ساڑے باہر کراں تا گھائل ھو
حال اسا ڈا کیویں اوہ جانن جو دنیا تے مائل ھو
بحر سمندر عشقے والا ہر دم رہندا حائل ھو
پہنچ حضور اسان نہ باھو اسان نام تیرے دے سائل ھو
درد مندیاں دے دھوئیں ڈھکدے ڈڑا کوئی ناں سیکے ھو
انہاں دھواں دے تا تکھیرے محرم ہووے تاں سیکے ھو
چھک شمشیر کھڑا ہے سرتے ترس پوس تاں تھیکے ھو
ساہورے کڑیے اپنے ونجناں باھو سدا ناں رہناں سیکے ھو
د درد مندیاں دا خون جو پیندا کوئی برہوں باز مریلا ھو
چھاتی دے وچہ کیتس ڈیرا جیویں شیر بیٹھال بیلا ھو
ہاتھی مست سندوری وانگوں کردا پیلا پیلا ھو
اس پیلے دا دوساں ناں کجے باھو پیلے باجھ ناں ہوندا میلا ھو

د دین تے دنیا سکیاں بھیناں تینوں عقل نہیں سمجھیندا ھو
دونوں اکس نکاح وچہ آون تینوں شرع نہیں فرمیندا ھو
جو یں اگ تے پانی تھاں اکتے وچہ واسا نہیں کریندا ھو
دوہیں جہانیں مٹھا باھو جیہڑا دعویٰ کوڑ کریندا ھو

د دنیا گھر منافق دے یا گھر کافر دے سونہدی ھو
نقش نگار کرے بہتیرے زن خوباں سبھ مونہدی ھو
بجلی وانگوں کرے لشکارے سردے اتوں جھوندی ھو
حضرت عیسیٰ دی سلھ وانگوں باھوراہ دیندیاں نوں کوئہدی ھو

د دنیا ڈھونڈن والے کتے در در پھرن حیرانی ھو
ہڈی اتے ہوا تنہاں دی لڑدیاں عمر دہانی ھو
عقل دے کوتاہ سمجھ نہ جانن پیوں لوڑن پانی ھو
باہجھوں ذکر رے دے باھو کوڑی رام کہانی ھو

د دودھ تے وہی ہر کوئی رڑ کے عاشق بھارڑ کیندے ھو
تن چٹورا من مدھانی آہیں نال ہلیندے ھو
دکھاندا تیرا کڈھے لشکارے غماتندے پانی پیندے ھو
نام فقیر تنہاں دا باھو جیہڑے ہڈاں نوں مکھن کڈھیندے ھو

د درد منداں دیاں آہیں کولوں پہاڑ پتھر دے جھڑ دے ھو
درد منداں دیاں آہیں کولوں بھج ناگ زمین وچہ وڑ دے ھو

درد منداں دیاں آپیں کولوں اسمانون تارے جھڑدے ھو

درد منداں دیاں آپیں کولوں باھو عاشق مول نہ ڈردے ھو

د دلیلاں چھوڑ وجودوں ہوشیار فقیرا ھو

بنھ تو کل پنجھی اڈ دے پلے خرچ نہ زیرا ھو

روز روزی اڈکھاون ہمیشہ نہیں کردے نال ذخیرہ ھو

مولا خرچ پہنچاوے باھو جو پتھر وچہ کیرا ھو

د دل بازار تے منہ دروازہ سینہ شہر ڈسیندا ھو

روح سوداگر نفس ہے راہزن جیہڑا حق داراہ مریندا ھو

جاں توڑی ایہہ نفس نہ ماریں تاں ایہہ وقت کھڑیندا ھو

کردا ہے ضائع ویلا باھو جاں نوں تاک مریندا ھو

د دل ہی حجرا رب سچے دا اتھے پا فقیر جھاتی ھو

گھیان دادیو ابال اندھیرے تیری لب پے دست گواچی ھو

نہ کرنتاں خواج خضر دی آں تیرے اندر آب حیاتی ھو

میاں باھو جتاں مرشد یا جنے اے رمز بہیتی ھو

د دل نوں نماز پڑھایو نہ ہی کی ہو یا جے نیتی ھو

لوکاں دے دکھاون خاطر پنج پنج وڑیا مسیتی ھو

ارکو گئے مل مل دھوئے تیرے منوں نہ گنی پلیتی ھو

باہجھ مرشد کامل باھو تئی نیتی تئی نہ نیتی ھو

ذ ذاتی نال ناں ذاتی رلیا سو کم ذات سد یوے ھو
نفس کتے نوں بنھ کراہاں فہماً فہم کچوے ھو
ذات صفاتوں مہٹنا آوے جداں ذاتی شوق پیوے ھو
نام فقیر تنہاں دا باھو قبر جہناں دی جیوے ھو

ذ ذکر فکر سب ارے اریرے جاں جان فداناں فانی ھو
فدا فانی تنہا نوں حاصل جیہڑے وسن لامکانی ھو
فدا فانی اونہاں نوں ہو یا جہناں چکھی عشق دی کانی ھو
باھو ھو دا ذکر سڑیندا ہر دم یار ناں ملیا جانی ھو

ذ ذکر کنوں کر فکر ہمیشاں ایہہ لفظ تکھا تلواروں ھو
کڈھن آہیں تے جان جلاون فکر کرن اسراروں ھو
ذا کر سوئی جیہڑے فکر کماون ہک پلک ناں فارغ یاروں ھو
فکر دا پھٹیا کوئی نہ جیوے پٹے مڈھ چا پاڑوں ھو
حق دا کلمہ آکھیں باھو رب رکھے فکر دی ماروں ھو

ر راہ فقر دا پرے پریرے اوڑک کوئی نہ دے ھو
ناں او تھے پڑھن پڑھاون کوئی نہ او تھے مسکے قصے ھو
ایہا دنیا بت پرستی مت کوئی اس تے دے ھو
موت فقیری جییں سر آوے باھو معلم تھیوے تے ھو

ر راتیں رتی نیند نہ آوے وہاں رہے حیرانی ھو
عارف دی گل عارف جانے کیا جانے نفسانی ھو

کر عبادت پچھوتا میں تیری ضائع گی جوانی ھو
حق حضور انہاں حاصل باھو جہناں ملیا شاہ جیلانی ھو
ر راتیں نین رت ہنجوں روون تے دیہاں غمزہ غم دا ھو
پڑھ توحید وڑیا تن اندر سکھ آرام ناں سما ھو
سر سولی تے چا ٹنکیو تے ایہہ راز پر م دا ھو
سدھا ہو کو ہیوئے باھو قطرہ رہے ناں غم دا ھو

ر راہ فقیر دا تدھوں ہوسی جد ہتھ پھڑیوسی کاسہ ھو
تارک دنیا توں تداں تھیوسی جد فقیر ملیوسی خاصہ ھو
دریا وحدت دانوش کیتوس اجاں بھی جی پیاسہ ھو
راہ فقیری رت ہنجوں روون حضرت باھو لوکاں بھانے ہاسہ ھو
ر رات اندھیری کالی دے وچہ عشق چراغ جلا ندا ھو
جیندی سک توں دل چانیوے توڑیں آواز مناندا ھو
اوجھڑ جھل تے مارو بیلے اتھے دم دم خوف شہاں دا ھو
تھل جل جنگل گئے جھگیندے باھو کامل نینہہ جنہاندا ھو

ر رحمت اس گھر وچہ وے جتھے بلدے دیوے ھو
عشق ہوئی چڑھ گیا فلک تے کتھے جہات گھتیوے ھو
عقل فکردی بیڑی نوں چا پہلے پور بوڑیوے ھو
ہر جا جانی دے باھو پت دل نظر کچیوے ھو

ر روزے نفل نمازاں تقویٰ سمھو کم حیرانی ھو
انہیں گلیں رب حاصل ناہیں خود خوانی خود خوانی ھو
ہمیش قدیم جلیہدا ملیو سویار یار نہ جانی ھو
درد وظیفے تھیں چھٹ رہسی باھو جدہورہسی فانی ھو

ز زبانی کلمہ ہر کوئی پڑھدا دل دا پڑھدا کوئی ھو
جتھے کلمہ دل دا پڑھے او تھے ملے زبان ناں ڈھوئی ھو
دل دا کلمہ عاشق پڑھدے کی جانن یار گلوئی ھو
ایہہ کلمہ اسانوں پیر پڑھایا باھو میں سدا سوہا گن ہوئی ھو

ز زاہد زہد کریندے تھکے روزے نفل نمازاں ھو
عاشق غرق ہوئے وچہ وحدت اللہ نال محبت رازاں ھو
مکھی قید شہد وچہ ہوئی کیا اڈسی نال شہبازاں ھو
جہناں مجلس نال نبی دے باھو سواى صاحب نازنوازاں ھو

س سبق صفاتی سوئی پڑھدے جووت پینے ذاتی ھو
علموں علم انہاں نوں ہو یا جیردھے اصلی تے اثباتی ھو
نال محبت نفس کٹھونے کڈھ قضا دی کاتی ھو
بہرہ خاص انہاں نوں باھو جہناں لدھا آب حیاتی ھو

س سوز کینوں تن سرٹیا سارا میں تے دکھاں ڈیرے لائے ھو
کوئل دا نگ کو کیندی وتاں ناں و نجن دن اضائے ھو

بول چہ ہیارت ساون دی آئی متاں مولا بینہ وسائے ھو

ثابت صدق تے قدم آگاہاں باھو رب سکدیاں دوست ملائے ھو

س سے روزے سے نفل نمازاں سے سجدے کر کر تھکے ھو

سے واری مکے حج گزارن دل دی دوڑ نہ مکے ھو

چلے چلے جنگل بھونا اس گل تھیں ناں پکے ھو

سبھے مطلب حاصل ہوندے باھو جد پیر نظر اک تکے ھو

س سن فریاد پیراں دی پیرا میری عرض سنیں کن دھر کے ھو

پیڑاڑیا میرا وچہ کپرا اندے جتھے مجھ نہ بہندے ڈر کے ھو

شاہ جیلانی محبوب سبحانی میری خبر لیو جھٹ کر کے ھو

پیر جہاندے میراں باھو اوہی کدھی لگدے تر کے ھو

س سب تعریف کو یشر کردے کارن در بحر دے ھو

شش فلک تے شش زمیں شش پانی اتے تر دے ھو

چھیاں حرفاندے سخن اٹھاراں او تھے دو دو معنی دھر دے ھو

پر حق پچھانیوں ناہیں حضرت باھو پہلے حرف سطر دے ھو

س سن فریاد پیراں دیا پیرا میں آکھ سناواں کینوں ھو

تیرے جیہا مینوں ہور نہ کوئی میں جیہیاں لکھ تینوں ھو

پھول نہ کاغذ بدیاں والے درتوں دھک نہ مینوں ھو

میں وچہ ایڈگناہ نہ ہوندے باھو تو بخشیندوں کینوں ھو

س سو ہزار تنہا توں صدقے جیہڑے منہ نہ بولن پھکا ھو
لکھ ہزار تنہاں نوں صدقے جیہڑے گل کریندے ہکا ھو
لکھ کروڑ تنہا توں صدقے جیہڑے نفس رکھیندے جھکا ھو
نیل پدم تنہاں توں صدقے باھو جیہڑے ہوں سوں سدا ون سکا ھو

س سینے وچہ مقام ہے کیندا سانوں مرشد گل سمجھائی ھو
ایہو ساہ جو آوے جاوے ہور نہیں شے کائی ھو
اس نوں آکھن اسم الاعظم ایہو سر الہی ھو
ایہو موت حیاتی باھو ایہو بھیت الہی ھو

ش شور شہرتے رحمت دے جتھے باھو جالے ھو
باغباناں دے بوٹے وانگوں طالب نت سمہالے ھو
نال نظارے رحمت والے کھڑا حضوروں پالے ھو
نام فقیر تنہاں دا باھو جیہڑا گھر وچہ یار دکھالے ھو

ش شریعت دے دروازے اچے راہ فقر و اموری ھو
عالم فاضل لنگھن نہ دیندے جو لنگھدا سو چوری ھو
پٹ پٹ اثاں وٹے مارن درد منداں دے کھوری ھو
راز ماہی دا عاشق جانن باھو کی جانن لوک اتھوری ھو

ص صفت ثنائیں مول نہ پڑھدے جو چاہتے وچہ ذاتی ھو
علم عمل انہاں وچہ ہووے جیہڑے اصلی تے اثباتی ھو

نال محبت نفس کٹھونیں گھن رضادی کاتی ھو
چوداں طبق دے دے اندر باھو پا اندر دی جھاتی ھو
ص صورت نفس امارہ دی کوئی کتا گٹر کالا ھو
کو کے نو کے لہو پیوے منگے چرب نوالا ھو
کھے پاسوں اندر بیٹھا دل دے نال سنبھالا ھو
ایہہ بد بخت ہے وڈا ظالم باھو کرسی اللہ نالا ھو
ض ضروری نفس کتے نوں قیما قیم کچوے ھو
نال محبت ذکر اللہ دا دم دم پیا پڑھیوے ھو
ذکر کنوں رب حاصل تھیندا ذاتوں ذات وسیوے ھو
دوہیں جہاں غلام تہاندے باھو جہناں ذات لھبیوے ھو
ط طالب غوث الاعظم والے شالا کدے نہ ہوون ماندے ھو
جیندے اندر عشق دی رتی سدا رہن کر لاندے ھو
جینوں شوق ملن دا ہووے لے خوشیاں نت آندے ھو
دوہیں جہاں نصیب تہاندے باھو جیہڑے ذاتی اسم کماندے ھو
ط طالب بن کے طالب ہوویں او سے نوں پیا گانویں ھو
سچا لڑھادی دا پھڑ کے او ہو تو ہو جاویں ھو
کلے ذاتوں ذکر کماویں کل میں نال نہاویں ھو
اللہ تینوں پاک کر لسی باھو بے ذاتی اسم کماویں ھو

ظ ظاہر دیکھاں جانی تائیں نالے دے اندر سینے ھو
برہوں ماری میں نت پھراں مینوں ہسن لوگ نابینے ھو
میں دل وچوں ہے شوہ پایا لوگ جاون مکے مدینے ھو
کہے فقیراں دا باھو سب دلاندے وچہ خزینے ھو

ع علموں باہجھوں فقیر کہاوے کافر مرے دیوانہ ھو
سے ورہیاندی کرے عبادت رہے اللہ کنوں بیگانہ ھو
غفلت کنوں نہ کھیس پردے دل جاہل بت خانہ ھو
میں قربان تنہاں توں باھو جہناں ملیا یار یگانہ ھو

ع عقل فکردی جانہ کائی جتھے وحدت سرسجانی ھو
ناں اوتھے ملاں پنڈت ہوسی نہ اوتھے علم قرآنی ھو
جد احمد احد دکھائی دتا تاں کل ہووے فانی ھو
علم تمام کیتونے حاصل باھو کتاباں ٹھپ اسمانی ھو

ع عشق مؤذن دیناں بانگاں کنیں بلبل پوسے ھو
خون جگر دا کڈھ کراہاں وضو صاف کیتو سے ھو
سن تکبیر فنا فی اللہ والی مڑن محال تھیو سے ھو
پڑھ تکبیر تھیو سے واصل باھو تداں شکر کیتو سے ھو

ع عاشق پڑھن نماز پر م دی جیہیں وچہ حرف نہ کوئی ھو
جہناں کیہاں نیت نہ سکے اوتھے درد منداں ول ڈھوئی ھو

اکھیں نیرتے خون جگر دا اوتھے وضو پاک کریوئی ھو

چیبھ نہ ہلے تے ہوٹھ نہ پھڑکن باھو خاص نمازی سوئی ھو

ع عاشق ہونویں تے عشق کمانویں دل رکھیں وانگ پہاڑاں ھو

لکھ بدیاں ہزار الہے کر جانیں باغ بہاراں ھو

منصور جیسے چک سولی دتے جیہڑے واقف کل اسراراں ھو

سجدیوں سر نہ چاہئے باھو تو تیں کافر کہن ہزاراں ھو

ع عاشق راز ماہی دے کولوں کدی نہ ہوون اوندے ھو

نیندر حرام تنہا تے ہوئی جیہڑے، اسم ذات کماندے ھو

ہک پل مول آرام نہ کردے دینہہ رات دن کر لاندے ھو

جہناں الف صحی کر پڑھیا باھو واہ نصیب تنہاندے ھو

ع عاشق عشق ماہی دے کولوں نت پھرن ہمیشہ کھیوے ھو

جہناں جیندیاں جاں ماہی دتی اوہ دوہیں جہانیں جیوے ھو

شمع چراغ جہناں دل روشن اوہ کیوں باطن ڈیوے ھو

عقل فکر دی پہنچ نہ کائی باھو اوتھے فانی فہم کچیوے ھو

ع عاشق دی دل موم برابر معشوقاں دل کاہلی ھو

طاماں ویکھے تڑ تڑ تے جیوں بازاں دی چالی ھو

باز بے چارا کیونکر اڈے پیریں پیوس دہالی ھو

جییں دل عشق خرید نہ کیتا باھو وہاں جہانوں خالی ھو

ع عاشقاں کہو وضو جو کیتا روز قیامت تائیں ھو
وچہ نماز رکوع سجودے رہندے سنج صباںیں ھو
استھے اوتھے دوہیں جہانیں سبھ فقر دیاں جائیں ھو
عرش کولوں سے منزل اگے باھو پیا کم تنہائیں ھو

ع عشق دی بازی ہر جا کھیڈی شاہ گدا سلطاناں ھو
عالم فاضل عاقل دانا کردا چا حیراناں ھو
تنبو کھوڑا لتھا وچہ دلدے چا چوڑیس خلوت خاناں ھو
عشق امیر فقیر منیندے باھو کیا جانے لوگ بیگاناں ھو

ع عشق دریا محبت دے وچہ تھی مردانہ ترئے ھو
جتھے لہر غضب دیاں ٹھاٹھاں قدم اتھائیں دھریئے ھو
اوجھڑ جھنگ بلائیں بیلے ویکھو ویکھ نہ ڈریئے ھو
نام فقیر تدتھیندا باھو جد وچہ طلب دے مریئے ھو

ع عشق اسانوں لسیاں جاتا لتھا مل مہاڑی ھو
نال سودے ناں سون دیوے جیویں بال رہاڑی ھو
پوہ مانہہ مہنگے خر بوزے میں کتھوں لیسال واڑی ھو
عقل فکر دیاں بھل گیاں گلاں باھو جد عشق و جائی تاڑی ھو

ع عشق جہاندے ہڈیں رچیا اوہ رہندے چپ چپاتے ھو
لوں لوں دے وچہ لکھ زباناں اوہ پھر دے گنگے باتے ھو

اوہ کر دے وضو اسم اعظم داتے دریا وحدت وچہ پاتے ھو
تدوں قبول نمازاں باھو جد یاراں یاز پچھاتے ھو
ع عاشق سوئی حقیقی جیہڑا قتل معشوق دے منے ھو
عشق نہ چھوڑے مکھ نہ موڑے توڑے تلواروں کھنے ھو
جنوں ویکھے راز ماہی دے لگے اوسے بنے ھو
سچا عشق حسین علی داباھو سردیوے راز نہ بھنے ھو

ع عشق سمندر چڑھ گیا فلک تے کتوں جہاز کچوے ھو
عقل فکر دی ڈونڈی نون چا پہلے پور بوڑے ھو
کڑکن کپڑ پون لہراں جد وحدت وچہ وڑیوے ھو
جس مرنے تھیں خلقت ڈردی باھو عشق مرے تاں جیوے ھو

ع عشق دی بھاہ ہڈاں دابالن عاشق بھہ سیندے ھو
گھت کے جان جگر وچہ آرا ویکھ کباب تلیندے ھو
سرگردان پھرن ہرڈیلے خون جگر دا پیندے ھو
ہوئے ہزاراں عاشق باھو پر عشق نصیب کہیندے ھو

عشق ماہی دے لایاں اگیں انہاں لکیاں کون بھاوے ھو
میں کی جاناں ذات عشق دی کیے جیہڑا درد چا جھکاوے ھو
نال خود سووے نال سوون دیوے ہتھوں ستیاں آن جگاوے ھو
میں قربان تنہا ندے باھو جیہڑا وچھڑے یار ملاوے ھو

ع عشق دیاں اوہ لڑیاں گلاں جیہڑا شرع تھیں دور ہٹاوے ھو
قاضی چھوڑ قضا میں جاوے جد عشق طمانچہ لاوے ھو
لوک ایانے میں دیون عاشقاں مت ناں بھاوے ھو
مرن محال تنہاں نوں باھو جہناں صاحب آپ بلاوے ھو

ع عاشق شوہدے دل کھڑایا آپ بھی نالے کھڑیا ھو
کھڑیا کھڑیا ولیا ناہیں سنگ محبوباں دے رلیا ھو
عقل فکر دیاں سب بھل گیاں جد عشقے نال جا ملیا ھو
میں قربان تنہاں توں باھو جہناں عشق جوانی چڑھیا ھو

ع عشق اسانوں لیاں جاتا کر کے آوے دھائی ھو
جہول ویکھاں مینوں عشق وسیوے خالی جگہ نہ کائی ھو
مرشد کامل ایسا ملیا جس دل دی تا کی لاہی ھو
میں قربان اس مرشد باھو جس دیا بھیت الہی ھو

ع عشق اسانوں لیاں جاتا بیٹھا مار چتھلا ھو
وچہ جگر دے سنھ چالائیس کتیس کم اولا ھو
جاں اندر وڑ جھاتی پائی ڈٹھا یار اکلا ھو
با بھوں ملیاں مرشد کامل باھو ہوندی نہیں تسلا ھو

ع عاشق نیک صلاحیں لگدے تاں کیوں اجاڑدے گھرنوں ھو
بال مواتا برہوں والا نہ لاندے جاں جگر نوں ھو

جاں جہاں سب بھل گیونیں پئی لوٹی ہوش صبرنوں ھو
میں قربان تنہا توں باھو جہناں خون بخسیا دلبرنوں ھو

غ غوث قطب ہن اورے اوریرے عاشق جان اگیرے ھو
جیہڑی منزل عاشق پہنچن او تھ غوث نہ پاؤن پھیرے ھو
عاشق وچہ وصال دے رہندے جہناں لامکانی ڈیرے ھو
میں قربان تنہا توں باھو جہناں ذاتوں ذات بسیرے ھو

ف فجری ویلے وقت سویلے نت آن کرن مزدوری ھو
کانواں ہلاکسی گلاں تر تھجی رلی چندوری ھو
مارن چیخاں تے کرن مشقت پٹ پٹ سنن انگوری ھو
ساری عمر پینڈیاں گزری باھو کدی نہ پئی آپوری ھو

ف فکر کنوں کر ذکر ہمیشہ ایہہ لفظ تکھا تلواروں ھو
ذکر سوئی جیہڑے فکر کناون اکت پلک نہ فارغ یاروں ھو
عشق دا پٹیا کوئی نہ چھٹیا پٹ سٹیا مڈھ پہاڑوں ھو
حق دا کلمہ عاشق پڑھدے حضرت باھو ربار کھیں فقر دی ماروں ھو

ق قلب ہلیاتاں کیا کجھ ہو یا کیا ہو یا ذکر زبانی ھو
قلبی، روحی، خفی، سری سھے راہ حیرانی ھو
شہ رگ توں نزدیک جلیندا یار نہ نیوس جانی ھو
نام فقیر تنہا ندا باھو جیہڑے وسدے لامکانی ھو

ک کل قبیل کریمہ کہندے کارن درجہ دے ہو!
شش زمین تے شش فلک تے شش پانی تے تردے ہو
چھیاں حرفاں وچہ سخن اٹھاراں دو دو معنی ہر دے ہو
مرشد ہادی صحیحی کر سمجھایا ہو اس پہلے حرف سطر دے ہو

ک کلے دی کل تدپیو سے جداں کل کلے ونج کھولی ہو
عاشق کلمہ اوتھے پڑھدے جتھے نور نبی دی ہولی ہو
چوداں طبق کلے دے اندر کیا جانے خلقت بھولی ہو
اسانوں کلمہ پیر پڑھایا ہو چند جاں او سے توں گھولی ہو

ک کلے دی کل تدپاں پیو سے جداں کلے میں دل نوں پھریا ہو
بے درداں نوں خبر نہ کوئی درد منداں گل مڑھیا ہو
کفر اسلام دی کل تدپاں پیو سے جداں بھن جگر وچہ وڑیا ہو
میں قربان تنہاں توں باہو جہناں کلمہ صحیحی کر پڑھیا ہو

ک کلے دی کل تدپاں پیو سے جداں مرشد کلمہ دسیا ہو
ساری عمروچہ کفر دے جالی بن مرشد دے دسیا ہو
شاہ علی شیر بہادر وانگن وڈھ کلے میں کفر نوں سٹیا ہو
دل صافی تاں ہووے باہو جاں کلمہ لوں لوں رسیا ہو

ک کلے لکھ کروڑاں تارے ولی کہتے سے راہیں ہو
کلے نال بجھائے دوزخ جتھے اگ بے از گاہیں ہو

کلمے نال بہشتیں جاناں جتھے نعمت سنج صبا ہیں ھو
کلمے جیہی کوئی ناں نعمت باھو اندر دوہیں سراہیں ھو
ک کلمے نال میں نہاتی دھوتی کلمے نال ویاہی ھو
کلمے میرا پڑسیا جنازہ کلمے گور سہائی ھو
کلمے نال بہشتیں جاناں کلمہ کرے صفائی ھو
مژن محال تنہاں نوں باھو جہناں صاحب آپ بلائی ھو
ک کُنْ فَيَكُونُ جدوں فرمایا اساں بھی کولوں ہا سے ھو
ہکے ذات صفات رب دی آہی ہکے جگ ڈھنڈیا سے ھو
ہکے لامکان مکان اسا ڈا ہکے آن بتاں وچہ پھاسے ھو
نفس پلپتی پلپتی کیتی باھو کوئی اصل پلپت تاں نا سے ھو
ک کیا ہو یا بت اودھڑ ہو یا دل ہرگز دور نہ تھیوے ھو
سے کوہاں میرا مرشد و سدا مینوں وچہ حضور و سیوے ھو
جیندے اندر عشق دی رتی اوہ بن شرابوں کھیوے ھو
نام فقیر تنہاں دا با ہو قبر جہناں دی جیوے ھو
ک کوک دلامتاں رب سنے چادر دمنداں دیاں آہیں ھو
سینہ میرا دردیں بھریا بھڑکن بھاہیں ھو
تلاں باہجھ نہ بلن مثالاں درداں باہجھ نہ آہیں ھو
آتش نال یاراناں لا کے باھو پھراوہ سڑن کہ ناہیں ھو

ک کامل مرشد ایسا ہووے جیہڑا دھوبی وانگوں چھٹے ھو
نال نگاہ دے پاک کریندا وجہ سچی صبون نال گھتے ھو
میلیاں نوں کر دیندا چٹا وچہ ذرہ میل نہ رکھے ھو
ایسا مرشد ہووے باھو جیہڑا الوں لوں دے وچے وے ھو

ک کر عبادت پچھو تاسیں تینڈی عمر اں چار دھاڑے ھو
تھی سودا گر کر لے سودا جاں جاں ہٹ تاں تاڑے ھو
مت جانی دل ذوق منے موت مریندی دھاڑے ھو
چوراں سادھاں رل پور بھریا باھو رب سلامت چاڑے ھو

گ گند ظلمات اندھیر غباراں راہ نیں خوف خطر دے ھو
مکھ آب حیات منور چشمے اوتے سائے زلف عنبر دے ھو
مکھ محبوب دا خانہ کعبہ جتھے عاشق سجدہ کر دے ھو
دوزلفاں وچہ نین مصلے جتھے چاروں مذہب مل دے ھو
مثل سکندر ڈھونڈن عاشق اک پلک آرام نہ کر دے ھو
خضر نصیب جہان دے باھو اوہ گھٹ اوتھے جا بھر دے ھو

گ گیا ایمان عشقے دیوں پاروں ہو کر کافر ریے ھو
گھت زنا رکفر دا گل وچہ بت خانے وچہ بیہیے ھو
جس خانے وچہ جانی نظر نہ آوے اوتھے سجدہ مول نہ دیہیے ھو
جاں جاں جانی نظر نہ آوے باھو توڑے کلمہ مول نہ کہیے ھو

گ گجے سائے رب صاحب والے کچھ نہیں خبر اصل دی ھو
گندم دانہ بہتا چکیا ہن گل پی ڈور ازل دی ھو
پھاپی دے وچہ میں پئی تڑپاں بلبل باغ مثل دی ھو
غیر دے تھیں سٹ کے باھو رکھیے امید فضل دی ھو

گ گودڑیاں وچہ جال جہناندی اوہ راتیں جاگن ادھیاں ھو
سک ماہی دی ٹکن نہ دیندی لوک انھے دیندے دیاں ھو
اندر میرا حق تپایا اساں کھلیاں راتیں کڈھیاں ھو
تن تھیں ماس جدا ہو یا باھو سوکھ جھلا رے ہڈیاں ھو

ل لا یحتاج جہناں نوں ہو یا فقر تنہا نوں سارا دنو
نظر جہناں دی کیمیا ہووے اوہ کیوں مارن پارا ھو
دوست جہناں دا حاضر ہووے دشمن لین نہ وارا ھو
میں قربان تنہا توں باھو جہناں ملیا نبی سوہارا ھو

ل لکھن سکھیوئی تے لکھناں جاتا کیوں کاغذ کیتو ضائع ھو
قط قلم نوں مارناں جانیں تے کاتب نام دھرایا ھو
بھ صلاح تیری ہوتی تنہا دی باھو جہناں الف تے میم پکایا ھو
صحیح صلاح تنہاں دی باھو جہناں الف تے میم پکایا ھو

ل لہ ھو غیر دی دھندے ہک پل مول نہ رہندے ھو
عشق تے پٹے رکھ جڑھاں تھیں اک دم ہول نہ سہندے ھو

جیہڑے پتھر وانگ پہاڑاں آہے اوہ لون وانگوں گل و ہندے ھو
عشق سو کھالا جے ہوندا باھو سبھ عاشق ہی بن بہندے ھو

ل لوک قبر دا کرسن چار الحد بناؤن ڈیرا ھو
چٹکی بھر مٹی دی پاس کرن ڈھیر اچیرا ھو
دے درد گھراں نوں ونجن کو کن شیرا شیرا ھو
بے پرواہ درگاہ رب باھو نہیں فضلان باجھ نیڑا ھو

ل لوہا ہوویں پیا کٹیویں تاں تلوار سدیویں ھو
کنگھی وانگوں پیا چریویں تاں زلف محبوب بھریویں ھو
مہندی وانگوں پیا گھوٹیویں تاں تلی محبوب رنگیویں ھو
وانگ کپاہ پیا پنجیویں تاں دستار سدیویں ھو
عاشق صادق ہوویں باھو تاں رس پریم دی پیویں ھو

م موتو والی موت نہ ملی جیس وچہ عشق حیاتی ھو
موت وصال تھیسے ہک جدوں اسم پڑھیسے ذاتی ھو
عین دے وچوں عین جو تھیوے دور ہووے قرباتی ھو
ہود اذکر ہمیش سڑیندا باھو دینہاں سکھ نہ راتی ھو

م مرشد وانگ سارے ہووے جیہڑا گھٹ گٹھالی گالے ھو
پاکٹھالی باہر کڈھے بندے گھرے یا والے ھو
کنیں خوباں دے تدوں سہاون جدوں کٹھے پا جالے ھو
نام فقیر تنہا ندا باھو جیہڑا دم دم دوست سمہالے ھو

م مرشد مینوں حج مکے دا رحمت دا دروازہ ھو
کراں طواف دوالے قبلے نت ہووے حج تازہ ھو
کُنْ فَيَكُونُ جدو کاسنیا ڈٹھا مرشد دا دروازہ ھو
مرشد سدا حیاتی والا باھو اوہو حضرتے خواجہ ھو
م مرشد کامل اوہ سہیڑیے جیہڑا دو جگ خوشی وکھاوے ھو
پہلے غم نکلڑے دا میٹے وت رب دا راہ سمجھاوے ھو
اس کلر والی کندھی نوں چا چاندی خاص بناوے ھو
جس مرشد اتھے کجھ نہ کیتا باھو اوہ کوڑے لارے لاوے ھو

م مرشد میرا شہباز الہی ونج رلیا سنگ جیہاں ھو
تقدیر الہی چھکیاں ڈوراں کداں ملسی نال نصیہاں ھو
کوہڑیاں دے دکھ دور کریندا کرے شفا مریضاں ھو
ہراک مرض دادار توہیں باھو کیوں گھتائیں وس طپیاں وہ
م مرشد وسے سے کوہاں تے مینوں دے نیڑے ھو
کی ہو یا بت اوہلے ہو یا پراوہ وسے وچہ میرے ھو
جہناں الف دی ذات صحی کیتی اوہ رکھدے قدم اگیرے ھو
سخن قرب لہہ لیو سے باھو جھگڑے کل نیڑے ھو

م مرشد مکہ تے طالب حاجی کعبہ عشق بنایا ھو
وچہ حضور سدا ہر ویلے کریے حج سوایا ھو
ہر دم میتھوں جداناں ہووے دل ملنے تے آیا ھو
مرشد عین حیاتی باھو میرے لوں لوں وچہ سمایا ھو

م مرشد ہادی سبق پڑھایا بن پڑھیوں پیا پڑھیوے ھو
انگلیاں وچہ کنناں دے دتیاں بن سنیوں پیا سنیوے ھو
نمین نیناں ولوں ترتر تکدے بن ڈٹھیوں پیا ڈسیوے ھو
باھو ہر خانے وچہ جانی دسدا کن سراہ وہ رکھیوے ھو

م مرشد باجھوں فقر کماوے وچہ کفر دے بڈھے ھو
شیخ مشائخ ہو بہندے حجرے غوث قطب بن اڈے ھو
تسبیحاں نپ بہن مسیتی جو یں موش بہندا اوڑ کھڈے ھو
رات اندھاری مشکل پینڈا باھو سے آدن ٹھڈے ھو

م مال تے خان سب خرچ کراہاں کرے خرید فقیری ھو
فقر کنوں رب حاصل ہووے کیوں کچے دلگیری ھو
دنیا کارن دین و نجاون کوڑی شیخی پیری ھو
ترک دُنیاں تھیں قادری کیتی باھو شاہ میراں دی میری ھو

م میں کوچھی میرا دلبر سوہنا میں کیونکر اسنوں بھانواں ھو
ویہڑے ساڈے وڑدانا ہیں پئی لکھ وسیلے پانواں ھو
ناں میں سوہنی ناناں دولت پلے کیونکر یار مناواں ھو
ایہہ دکھ ہمیشاں رہسی باھو رہ رنڈ دی ہی مر جانواں ھو

م مذہباں دے دروازے اُپتے راہ رباباں موری ھو
پنڈتاں تے ملوانیاں کولوں چھپ چھپ لنگھئے چوری ھو

اڈیاں مارن کرن بکھیڑے درد منداں دے گھوری ھو
باھو چل اتھائیں وسیئے جتھے دعویٰ ناں کس ہوری ھو

م میں شہباز کروں پروازں وچہ دریا کرم دے ھو
زبان تاں میری کن برابر موڑاں کم قلم دے ھو
افلاطون ارسطو جیہیں میرے اگے کم دے ھو
حاتم جیہیں لکھ کروڑاں دربا ہودے منگدے ھو

ن نال کرنگی سنگ نہ کریئے کل نوں لاج نہ لایئے ھو
تے تر بوز مول نہ ہوندے توڑے توڑکے لے جائیئے ھو
کانواں دے بچے ہنس نل تھیندے توڑے موتی چوگ چکایئے ھو
کوڑے کھوہ ناں مٹھے ہوندے باھو توڑے سے مناں کھنڈ پائیئے ھو

ن نہیں فقیری جھلیاں مارن ستیاں لوک جگا ون ھو
نہیں فقیری وہندیاں ندیاں سکیاں پار لنگھا ون ھو
نہیں فقیری وچہ ہوا دے مصلے پا ٹھہرا ون ھو
فقیری نام تنہاں دا باھو جیہڑے دل وچہ دوست نکاون ھو

ن ناں رب عرش معلیٰ اتے ناں رب خانے کعبے ھو
ناں رب علم کتابیں لبھاناں رب وچہ محرابے ھو
گنگا تیر تھیں مول نہ ملیا مارے پینڈے بے حسابے ھو
جدوا مرشد پڑھایا باھو چھٹے سب عذابے ھو

ن نت اساڈے کھلے کھاندى ايہاد نیاز شتی ھو
جیندے کارن بہہ بہہ رو ون شیخ مشائخ چشتی ھو
جس جس اندر حب دنیا دی ڈاہڈی انہاں دی کشتی ھو
دنیا ترک کرن ہے حضرت باھو خاصہ راہ بہشتی ھو

ن ناں میں عالم ناں میں فاضل ناں مفتی ناں قاضی ھو
ناں دل میرا دوزخ مگے ناں شوق بہشتیں راضی ھو
ناں میں تریبے روز دکھے ناں میں پاک نمازی ھو
باہجھ وصال اللہ دے باھو دنیا کوڑی بازی ھو

ن ناں میں سنی ناں میں شیعہ میرا دوہاں توں دل سڑیا ھو
مک گئے سبھ خشکی پینڈے جدوں دریا رحمت وچہ وڑیا ھو
کئی من تارے ترترہارے کوئی کنارے چڑھیا ھو
صحیح سلامت چڑھ پار گئے باھو جہناں مرشد الکریم پھریا ھو

ن ناں اوہ ہندو ناں اوہ مومن ناں سجدہ دین مسیتی ھو
دم دم دے وچہ ویکھن مولا جہناں قضا نہ کیتی ھو
آہے دانے تے بنے دیوانے جہناں ذات صحی ونج کیتی ھو
میں قربان تنہاں توں باھو جہناں عشق بازی چن لیتی ھو

ن ناں میں جوگی ناں جنگم ناں میں چلا کمایا ھو
ناں میں بھج مسیتیں وڑیا ناں تبا کھڑکایا ھو
جو دم غافل سو دم کافر مرشد ایہہ فرمایا ھو

ن نفل نمازاں کم زاناں روزے صرفہ روٹی ھو
مکے دے ول سوئی جاندے گھروں جہناں تروٹی ھو
اچیاں بانگاں سوئی دیون نیت جہناں دی کھوٹی ھو
کی پرواہ تنہاں نوں باھو گھروچہ لدھی بوہٹی ھو

ن ناں کوئی طالب ناں کوئی مرشد سب دلا سے مٹھے ھو
راہ فقر دا پرے پریرے سب حرص دنیا دے کٹھے ھو
شوق الہی غالب ہویاں جند مرلے تے اوٹھے ھو!
باھو جیس تن بھڑ کے بھانبر ہوندی اون مرن ترہائے بھکھے ھو

ن ناں میں سیرناں پاچھٹا کی ناں پوری سرساہی ھو
ناں میں تولہ ناں میں ماشہ ہن گل ریتاں تے آئی ھو
رتی ہونواں ونج ریتاں تلاں اوہ بھی پوری ناہی ھو
وزن تول پورا ونج ہوسی باھو جداں ہوسی فضل الہی ھو

ن نیڑے سن دور دسیون ویڑھے ناہیں وڑدے ھو
اندروں ڈھونڈن دا اول نہ آیا مورکھ باہروں ڈھونڈوں چڑھئے ھو
دور گیاں کچھ حاصل ناہیں شوہ لیمھے وچہ گھر دے ھو!
دل کر صیقل شیشے وانگوں باھو دور تھیوں کل پردے ھو

و وحدت دے دریا اچھلے تھل جل جنگل رینے ھو
عشق دی ذات منیندے ناہیں سانگلاں جھل تپنے ھو

رنگ بھبھوت ملیندے ڈٹھے سے جوان لکھینے ھو
میں قربان تنہاں توں باھو جیہڑے ہوندیاں ہوون پنے ھو

و وحدت دے دریا اچھلے ہک دل صحی نہ کیتی ھو
ہک بت خانے واصل تھے ہک پڑھ پڑھ رہے مسیتی ھو
فاضل چھڈ فضیلت بیٹھے عشق بازی جاں لیتی ھو
ہرگز رب نہ ملدا باھو جہناں ترٹی چوڑ نہ کیتی ھو

و وحدت دا دریا الہی جتھے عاشق لیندے تاری ھو
مارن ٹبیاں ہو کڈھن موتی آپو آپی واری ھو
دڑ یتیم وچہ لئے لشکارے جیوں جن لاناں ماری ھو
سوکیوں نہیں حاصل بھردے باھو جیہڑے نوکرنیں سرکاری ھو

و ونجن سرتے فرض ہے مینوں قول قالو ابلیٰ دا کر کے ھو
لوک جانے متفکر ہوئیاں وچہ وحدت دے ڈر کے ھو
شوہ دیاں باراں شوہ ونج لہسیاں عشق تلہ سردھر کے ھو
جیوندیاں شوہ کسے نہ پایا ہو جیس لدهاتیں مر کے ھو

و ویہہ ویہہ ندیاں تارو ہوئیاں بمبل چھوڑے کاہاں ھو
یار ساڈارنگ محلیں درتے کھلے سکا ہاں ھو
ناں کوئی آفے ناناں کوئی جاوے اسیں کیس ہتھے لکھ منجاہاں ھو
جے خبر جانی دے آوے باھو کھر کلیوں پھل تھوہاں ھو

ہ ہودا جامہ پہن کر ہاں اسم کہاوں ذاتی ھو
کفر اسلام ذاتی نہ منزل ناں اوتھے موت حیاتی ھو
شاہ رگ تھیں نزدیک لدہو سے پا اندروے جھاتی ھو
اوہ اسماں وچہ اسیں انہاں وچہ باھو دور رہی قرباتی ھو

ہ ہک جاگن ہک جاگ نہ جاگن ہک جاگدیاں ہی ستے ھو
ہک سریتاں جاواصل ہوئے ہک جاگدیاں ہی مٹھے ھو
کے ہو یا جے گھگو جاگے جیہڑا لیندا ساہ اچھے ھو
میں قربان تنہاں توں باھو جہناں کھوہ پریم دے جتے ھو

ہ ہک دم جن تے لکھ دم ویری ہک دم دے مارے مردے ھو
ہک دم پچھے جنم گویا چور بنے گھر گھر دے ھو
لائیاں دا اوہ قدر کی جانن جیہڑے مجرم ناہیں سر دے ھو
سو کیوں دھکے کھاوں باھو جیہڑے طالب سچے دردے ھو

ہ ہر دم شرم دی تند تر وڑے جاں ایہہ چھوڈک ہلے ھو
کچرک بالاں عقل دادیوا مینوں برہوں انہیری جھلے ھو
اجڑ گیا ندے بھیت نیارے لکھ لعل جواہر رنے ھو
دھوتیاں داغ نہ لہندے باھو جیہڑے رنگ مچھٹھی دھلے ھو

ہ ہسن دتے کے روون لیوئی تینوں دتا کس دلا سا ھو
عمر بندے دی اینوس وہانی جیویں پانی وچہ پتا سا ھو
سوڑی اسامی سٹ گتھتیں پلٹ نہ سکسیں پاسا ھو
تیتھوں صاحب لکھیا منگھسی باھورتی گھٹ نہ ماسا ھو

ہ ہور دووانہ دل دی کاری کلمہ دل دی کاری ھو
کلمہ دور زنگار کریندا کلمیں میل اتاری ھو
کلمہاں ہیرے لعل، جواہر کلمہاں ہٹ پیاری ھو
استھے او تھے دوہیں جہانیں باھو کلمہاں دولت ساری ھو

ہ ہکی ہکی پیڑ کولوں کل عالم کے عاشقاں لکھ لکھ پیڑ سہیڑی ھو
جیتھے دھن رڑھن دا خطرہ ہووے کون چڑھے اس بیڑی ھو
عاشق چڑھدے ناں صلاحاں دے انہاں تار کپر وچہ بھیرٹی ھو
جیتھے عشق پیاتلدا ناں رتیں دے باھو اتھے عاشقاں لذت نکھری ھو

ی یاریگانہ ملسی تینوں جے سردی بازی لائیں ھو
عشق اللہ وچہ ہو مستانہ ہو ہو سدا لائیں ھو
نال تصور اسم اللہ دے دم نون قید لگائیں ھو
ذاتے نال جاں ذاتی رلیا تدا باھو نام سدا لائیں ھو

☆☆☆☆☆☆☆☆

